

四庫全書

集部

欽定四庫全書

文苑英華卷二百六十六 宋 李昉等 編

送行一

梁簡文帝四首

沈約三首

吳均十首

何遜一首

朱超二首

王僧孺一首

庾肩吾一首

范雲二首

徐陵三首

陰铿二首

王褒三首

庾信三首

陳後主一首

江總三首

孔德紹二首

釋智才一首

鄭公超一首

曾範一首

劉夢予一首

尹式二首

陳子良一首

崔信明一首

王胄一首

李百藥一首

王勃五首

楊炯七首

餞別

梁簡文帝

行樂出南皮
謙餞臨華池
籜解篁開節
花暗鳥迷枝窟
陰隨影度水色
帶風移徒命銜
盃酒終成憫別離

送別

前人

行行異沂海
依依別路岐
水苔隨纓聚
岸柳拂舟垂石菌
生懸葉江槎
流卧枝燭盡悲
當一宵去酒滿惜將
一睽離

傷離新體

前人

傷離復傷離
別後情鬱紆
悽悽隱去棹
惆悵愴還途

途一作感意不申轉顧獨霑巾前驅經御宿後騎歷河滑

胡香翼還憇清笳送後塵落日斜飛蓋餘暉承畫輪柳

影長橫路槐枝深隱人桂宮夕掩銅龍扉甲館宵垂雲
母幃朧朧月色上的的夜螢飛草香襲余袂露灑霑人

衣帶堞凌城雲亂聚排枝度葉鳥爭歸盆

類聚作盆

中浮蟻

不能酌琴間玉徽調別鶴別鶴千里別離聲絃調軫急

心自驚試起登南樓還向華池遊前時篠生今欲合近

日裁荷尚不抽猶是銜杯共賞處今茲對此獨生愁樓

高望曖曖山川自分態偃師雖北連轔轔已南背遠聽
寂無聞遙瞻目有礙含毫意不迷長歎情無賴

餞臨海太守劉孝儀蜀郡太守劉孝勝

前人

碣石臨東海峩眉距西候兩社昔夾河二龍今出守方
夜無大驚向昔神牛鬪涼風繞輕幕麥雨交新溜念此
一銜觴懷離在惟舊

送別友人

沈約

君東我亦西啣悲涕如霰浮雲一南北何由展言宴方
作異鄉人贈子同心扇遙裔發海鴻連翩出簷燕春秋
更去來參差不相見

別范安成

前人

平生少年日分手易前期及爾同衰暮非復別離時勿
言一樽酒明日難重持夢中不識路何以慰相思

別謝文學

前人

漢池水如帶巫山雲似蓋瀨汨背吳潮潺湲橫楚瀨一

望沮漳水寧思江海會以我徑寸心從君千里外

同柳吳興烏臺集送柳舍人 吳均

河陽一悵望南浦送將歸雲山離掩曖花霧共依霏

集作霏

霏流連反舌哢下上集作上陽禽飛桂舟無掩柂玉軫有

集作下

依

流連反舌哢下上

陽禽飛桂舟無掩柂玉軫有

離徽願君嗣蘭杜時拂

集作採

東臯薇

同柳吳興何山

湖州山名

集送劉餘杭

前人

王孫重離別置酒峯之畿逶迤川上草參差澗裏薇輕

雲級一作劔

集作晚

岫細雨沐山衣簷端水禽息窓上野

螢飛君隨綠波遠我逐清風歸

送柳吳興竹亭集

前人

平原不可望波瀾千里直夕魚汀下戲幕羽

集作雨

簷中

息白雲時去來青峯復負側躡躅牛羊下晦昧崦嵫色
王孫猶未歸且聽西光匿

酬別江主簿屯騎

前人

有客告將離贈言重蘭蕙泛舟當泛濟結交當結桂濟

水有清源桂樹多芳根毛公與朱亥俱在信陵門趙瑟
鳳凰柱吳釀金罍樽我有北山志留連為報恩夫君皆
逸翮搏景復凌騫白雲間海樹秋日暗平原寒蟲鳴趯
趯落葉飛翻翻何用贈分首自有北堂萱

贈王桂陽別三首

前人

昔聞楊伯起拖玉振清風高華積海外名實滿山東自
有五都相非無四世公臨窓驚白日倚匣曳輕虹願持
鷓鴣羽歲暮依梧桐

二

客子慘無歡送別江之干白雲方渺渺一作眇黃鳥尚關
闊紅紛巫山石合沓洞庭瀾行衣侵曉露征船犯夜湍
一作征舶無因停合浦見此玄一作去珠還

三

樹響決山來溪類聚作猿聲繞岫急旅帆風飄揚行巾露霑
濕深浪闊蒹葭濃雲沒城邑不見別離人獨有相思泣

贈鮑春陵別

前人

落葉思紛紛蟬聲猶可聞水中千丈月山上萬重雲海鴻來倏去林花合復分所憂別離意白露下霑裾

別王謙

前人

嚴光不逐類聚作遂世流轉任飛蓬欲還天台嶺不狎甘泉

宮離歌玉絃絕別酒金卮空儻遺故人念僕在東山東

酬別

前人

故人杯酒別天清明月亮露下寒草一作葭中風起秋江

上衣染漣湲泣棹犯參差浪七首在千金七寶雕華裝

側亮切已注在前類
聚疑平聲改作杖

生離何用表賴此持相餉

與胡興安夜別

何遜

見類聚

居人行轉輶客子暫維舟念此一筵笑分為兩地愁露
濕寒塘草月映清淮流方抱新離恨獨守故園秋

別劉孝先

朱超

疲疴積未瘳伏枕倦長愁復念夜分手江上值徂秋陰
凝變遠色落葉泛寒流繁霜積曉纜輕冰繞夜舟曳裙
出兔苑引領望龍樓勿念荆臺側無為戚情遊

情一
作成

道別席中兵

前人

數年共棲一作進息一日一作旦

各睽翩

莫言論

或作行近遠

終是隔山川長波漫不極高岫鬱相連急風亂還鳥輕

寒靜暮蟬扁舟已入浪孤帆漸逼天停車對空渚悵

一

長望轉依然

送殷何兩記室

王僧孺

見類聚

掩袖出南浦驅車送上征飄飄曉雲駛瀼瀼旦潮平不
肖余何惜無貲爾勿輕儻有還書便一言訪死生

新林

集作亭

送劉之遴

庾肩吾

旆

初學記
作車

轉黃山路舟纜

類聚
作繩

白馬津送輪時合幟分

驂

各背塵常山喜臨岱

初學記
作代

龍頭悲望秦欲持漢中

策還以寄

一作贈

征人

送沈記室夜別

范雲

桂水澄夜氣楚山清曉雲秋風雨鄉怨秋月千里分寒
芝寧共採霜猿行獨聞捫蘿勿

類聚
作忽

憶我折桂方思君

別詩

前人

孤煙起新豐
候鴈出雲中
草低金城霧
木下玉門風
別君河初滿
思君月屢空
折桂衡山北
摘蘭湘水東
蘭摘心焉寄
桂折意誰通

別毛尚書

一作永嘉

徐陵

顧子厲風規

一作顧子勵清規

歸來振羽儀
嗟余今老病
此別

畏恐一作長離

白馬君來哭
黃泉我詎知
徒勞脫寶劍
空掛隴頭枝

秋日別庾正員

前人

征途愁轉旆連騎慘停鑣朔氣陵疎木江風送上潮青
雀離帆遠朱鶯別路遙唯有當秋月夜夜上河橋

新亭送別

前人

風吹臨伊水時駕出河梁野燎一作老村田黑江秋岸荻

黃隔磯

一作城聞上鼓回舟

一作洲隱去櫓神襟愛

一作憂遠

別流涕極清漳

江津送劉光祿不及

陰鏗

依然臨送渚長望倚河津鼓聲隨聽絕帆勢與雲隣泊

處空餘鳥離亭已散人林寒正下葉釣類聚
作晚欲收綸

如何相背遠江漢與城闕

廣陵岸送遠使

見二百九
十六卷

前人

送別裴儀同

王褒

河橋望行旅長亭送故人沙飛似軍幕蓬卷若車輪邊
衣苦霜雪愁貌損風塵行路皆兄弟千里念相親

別陸子雲

類聚作
才子

前人

解纜出南浦征棹且凌晨還看分手處唯餘送別人中

流搖蓋影邊江落騎塵平湖開曙日細柳發新春滄波不可望行雲聊共因

別王都官

前人

連翩憫流客

類聚作落

悽愴惜離羣東西御溝水南北會稽

雲河橋兩隄絕橫歧數路分山川遙不見懷袖遠相聞

別周尚書宏正

無詩

庾信

重別周尚書

前人

陽關萬里道不見一人歸唯有河邊鴈秋來南向飛

別張洗馬樞

前人

別席慘無言離悲兩相顧君登蘇武橋我見楊朱路關
山負雪行河水乘冰渡顧子着朱鴛知余在玄兔

辛亥武湖餞吳興太守任惠陳後主

寒雲輕重色秋水去來波待我戎衣定然送大風歌

贈別洗馬袁朗

江總

賈誼登朝日終軍對奏年校文升廣內撫劍入崇賢竒
才與殊艷集作殊逸將別愛留連一作愛攀暎驅車命饒一作

絃管拱坐面林泉池寒稍下鴈木落久無蟬霧侵山扉
一作月霜開石路煙高談無以一作興慰遲爾報華篇

此詩三百四十卷重出今已削去注異同為一作

別袁昌州

前人

河梁望龍頭分手路悠悠徂年若驚電別日欲成秋黃
鵠飛飛遠青山去去愁不言雲雨散更似東西流

別南海賓化侯

前人

石闢通越井蒲澗邇靈洲此地何遼夐羣英逐遠遊高

才袁彥伯令譽許文休遊焉值君子復此映芳猷
崎嶇多險溢星琯壯環周分歧泣世道念別傷
邊秋斷山時結霧平海若無流驚鶩一羣起哀猿
數處愁是日送歸客為情自可求終謝能鳴鴈還同
不繫舟其如江海泣惆悵徒離憂

英華及類聚節去八句今以集本添入全篇

送蔡君知入蜀二首

孔德紹

金陵已去國銅梁忽背飛失路還相送他鄉何日歸

二

靈闕九折險蜀道二星遙乘楂若有便希泛廣陵潮

送別

釋智才

鏡中辭舊識瀾岸別新知年來未應老祇為數經離

送庾羽騎抱

鄭公超

舊宅青山遠歸路白雲深遲暮難為別搖落更傷心空
城落日影迴地浮雲陰送君自有淚不暇聽猿吟

送別

魯範

去留雖有異失路與君同如何拔心草還送斷根蓬

送別秦王學士江益

劉夢予

百年風月意一旦死生分客心還送客悲我復悲君

送晉熙公別

尹式

太行君失路扶搖我退飛無復紅顏在空持一作將白首

歸色移三代服塵化兩京衣道窮方識體一作命事去乃

知非西候追孫楚南津送陸機雲薄鱗逾細山高翠轉
微氣隨流水咽淚逐斷絃揮但令寸心密隨意尺書稀

別宋常侍

前人

遊入疑作人杜陵北送客漢川東無論去與住俱一作悲是

一飄蓬秋鬢含霜白衰顏倚酒紅別有相思處啼鳥雜夜風

送別

陳子良

落葉聚還散征禽去不歸以我窮途泣

占疑作沾

君出塞

衣

送金敬陵入蜀

敬疑作竟

崔信明

金門去蜀道玉壘望長安豈言千里足遠一作方尋九折

難西上君飛蓋東歸我挂冠猿聲出峽斷月影落江寒

從今與君別花月幾新殘

別周記室

王胄

五里徘徊鶴三聲斷絕猿何言俱失路相對泣離樽別
意悽無已當歌寂不喧貧交欲有贈掩涕竟無言

送別

李百藥

眷言一杯酒悽愴起離憂夜花飄露氣暗水急還流鴈

行遙上月蟲聲迴應秋明月河梁上誰與論仙舟

送臨盧盧主簿

王 勃

窮途非所恨虛室自相依城闕居年滿琴樽俗事稀開襟方未已分袂忽多違東巖富松竹歲暮幸同歸

餞韋兵曹

前 人

征驂臨野吹別袂慘江垂川霽浮煙歛山明落照移鷹風凋晚葉蟬露泣秋枝亭臯分遠望延想間雲涯

白下驛餞唐少府

前 人

下驛窮交日昌亭旅食年相知何用早懷抱即依然浦
樓低晚照鄉路隔風煙去去如何道長安在日邊

送杜少府之任蜀州

集作川

前人

城闕輔

集作三俯西

秦風煙望五津與君離別意同

集作俱

是

宦遊人海内存知己天涯若比隣無為在歧路兒女共

霑巾

羈遊餞別

前人

客心懸隴路遊子慘江干槿濃朝

集作豐

砌靜篠密夜窓

寒琴聲銷別恨風景駐離歡寧覺山川遠悠悠旅思難

送梓州周司功

楊炯

御溝一相送征馬屢盤桓言笑方無日離憂獨未寬舉
杯聊勸酒破涕暫為歡別後風清夜思君蜀路難

送李庶子致仕還洛

前人

此地傾

集作石

城日由來供帳華亭逢李廣騎門接邵平

瓜原野炎氛匝關河遊望賒白雲斷巖岫綠草覆江沙
詔賜扶陽宅人榮御史車瀨池一相送流涕向煙霞

送臨津房少府

前人

歧路三秋別江津萬里長煙霞駐征蓋絃奏促飛觴階
樹含斜日池風泛早涼贈言未終集作終未竟流涕忽霑裳

送豐城王少府

前人

愁結亂如麻長天照落霞離亭隱喬樹溝水浸平沙左
尉才何屈東闢望漸賒行看轉牛斗持此報張華

送劉校書從軍

前人

天將下三宮星門召五

啟集作

戎坐謀資廟畧飛檄佇文

雄赤土流星劍烏號明月弓秋陰生蜀道殺氣繞湟中
風雨何年別琴樽此日同離亭不可望溝水自西東

送鄭州周司功

前人

漢國臨清渭京城枕濁河居人下珠淚

集作泣

賓御促驪

歌望極闢山遠秋深煙霧多唯餘三五夕明月颸經過

夜送

集作餞

前人

趙氏連城璧由來天下傳送君還舊府明月滿

集作照

秦

川

文苑英華卷二百六十六

欽定四庫全書

文苑英華卷二百六十七 宋 李昉等 編

送行二

盧照隣六首

駱賓王七首

陳子昂七首

李嶠六首

同餞唐州南使君赴任九首

同餞許州宋司馬赴任七首

宋之間十一首

張說十首

送鄭司倉入蜀

盧照隣

離人丹水北遊客錦城東客恨良無已離憂自不窮隴
雲朝結陣陣江月夜臨空關塞疲征馬霜氣落早鴻濶年
三十外蜀道五千中送君秋水曲酌酒對秋風

送梓州高叅軍還京

前人

京洛風塵遠襯斜煙霧深北遊君似智南飛我異禽別
路琴聲斷秋山猿鳥吟一乖青嵒酌空佇白雲心

還京贈別

此詩二百八十六
卷重出今已削去

前人

風月清江夜山水白雲朝萬里同為客三秋契不凋戲
鳬分斷岸歸騎別高標一去仙

集作遷

橋道還望錦城遙

送幽州陳叅軍赴任寄呈鄉曲故

集作父

老

薊北三千里關西二十年馮唐猶在漢樂毅不歸燕人
同黃鶴遠鄉共白雲連郭隗池臺處昭王樽酒前故人
當已老舊壑蕪成田紅顏如昨日衰鬢似秋天西蜀橋
應毀東周石尚全灞池水猶綠榆闌月早圓塞雲初上
鴈庭樹欲銷蟬送君之舊國揮涕獨潛然

大劍送別劉古史

前人

金碧禹山遠
關梁蜀道難
相逢屬晚歲
相送動征鞍
地險綿川咽
雲凝劍閣寒
儻遇中孝所
為道憶長安

綿州官地餞別

同賦
灣字

前人

輶軒遵上國
仙氣下靈一作雲
關樽酒妨集作方
無地聯縷喜
暫攀離言欲贈策
高辯正連環
野徑遊集作浮雲
斷荒池春草斑
殘花落古樹度鳥入澄灣
欲叙他鄉別幽谷

有綿蠻

秋日別侯西

駱賓王

我留安豹隱君去學鵬搏岐路分襟易風雲促膝難夕
漲流波急秋山落日寒唯有思歸引悽斷為君彈以下七篇

並見集本

送吳七遊蜀

前人

日觀分齊壤星橋接

集作抵

蜀門桃花嘶別路竹葉瀉離

樽夏老

集作盡

蘭猶茂秋深

集作新

柳尚繁霧銷山望迴風

高野聽喧勞歌徒欲奏贈別竟無言惟有當秋月空照

野人園

秋日餞

集作送

尹大之

集作赴

京

前人

挂瓢余隱舜負鼎爾干湯竹葉離樽滿桃花別路長低
河耿秋色落月抱寒光素書如可嗣幽谷佇賓行

餞鄭安陽入蜀

前人

彭門

集作山

折坂外井絡少城隈地是三巴俗人非萬

集作

百里才畏

集作長

途君悵望歧

集作別

路我徘徊心事

集作賞

風煙隔容華歲月催遙遙分鳳野去去轉龍媒遺錦非

前邑鳴琴即舊臺
劍門千仞起石路
五丁開海客乘槎
渡仙童馭竹迴魂
將離鶴遠思逐斷猿
哀唯有雙鳬鳥飛去復飛來

送劉少府遊越州

前人

一丘余枕石三月爾懷鉛離亭分鶴蓋別岸指龍川
背夏蟬聲斷來寒鴈影速如何溝水上悽斷聽離絃

送郭少府

前人

開筵枕集作抗德水輶棹艤仙舟貝闕桃花浪龍門竹箭

流當歌悽別曲對酒泣離憂還望青山外空見白雲浮

送費元之

集作云

還蜀

前人

星樓望蜀道月峽指吳門萬行流別淚九折切驚魂雪
影含花落雲陰帶葉昏還愁

集作當

三徑晚獨對一清樽

送東萊王學士無競

陳子昂

寶劍千金買平生未許人懷君萬里別持贈結交親孤
松宜晚歲衆木愛芳春已矣將何適無令白首

集作新髮

以下六篇並見集本

送魏兵曹使窩州

得登字見三
百九十六卷

前人

送客

前人

故人洞庭去楊柳春風生相送河洲晚蒼茫別思盈白
蘋已堪把綠芷復含榮江南多桂樹歸客贈生平

送殷大入蜀

前人

禹

集作蜀

山金碧路

集作地

此地饒英靈送君一為別悽斷

故鄉情夏

集作片

雲生極浦斜日隱離亭坐看征騎役唯

見遠山青

送梁李二明府

前人

負書猶在漢懷策未聞秦復此窮秋日芳樽別故人黃
金裝屢盡白首契逾新空羨雙鳬鳥俱飛向玉輪

送別陶七

同用風字

前人

黃鶴煙雲

一作霞

去清江琴酒同離帆方楚越溝水復西

東芙蓉生夏浦楊柳送春風明日

集作月

相思處應對菊

花叢

送別崔著作東征

前人

金天方肅殺白露始專征
王師非樂戰之子慎佳兵殺
集作海氣侵南都邊風掃北平莫買龍寒劍
集作盧賣歸龍塞

邀麟閣名

送光祿劉主簿之洛

李嶠

函谷雙崤右伊川二陝東仙舟宵將隔方筆斃云同朋
席餘歡盡文房舊侶空他鄉千里月岐路九秋風背櫨
嘶班馬分洲叫斷鴻別後青山外相望白雲中

送駱奉禮從軍

前人

玉塞邊烽舉金壇廟畧申羽書資銳筆戎幕引英賓劍動三軍氣衣飄萬里塵琴樽留別賞風景惜離晨笛梅含晚吹營柳帶餘春希君勒石反歌舞入城闥

餞駱四二首

前人

平生何以樂斗酒夜相逢曲中驚別緒醉裏失愁容星月懸秋漢風霜入曙鍾明日臨溝水青山幾萬重

二

甲第驅車入良宵秉燭遊人為集作追竹林會酒獻菊花

秋霜吹飄無已星河漫不流重嗟歡賞地翻召別離憂

送李安邑

前人

落日荒郊外風景正淒淒離人席上起征馬路傍嘶別
酒傾壺贈行書掩淚啼殷勤御溝水從此各東西

又送別

前人

歧路方為客芳樽暫解顏人隨轉蓬去春伴落梅還白
雲渡汾水黃河遼晉關離心不可問宿昔鬢成斑

錢唐州高使君赴任

岑 義

蒼茫南塞地，明媚上春時。
目極傷千里，懷君不自持。
征車別岐路，斜日下崦嵫。
一歎輶軒阻，悠悠即所思。

同前

崔 淦

芳春桃李時，京東集作都物華好。
為岳豈不貴，所悲涉遠道。
遠道不可思，宿昔夢見之。
贈君雙佩刀，日夕有無集作。

親期

同前

盧藏用

餞酒臨豐樹
舉惟出魯陽
蕙蘭春已晚
桐柏路猶長
祖逖方城鎮
安人外氏鄉
從來二千石
天子命惟良

同前

張說

當時好閑晏集作獨朋友集作舊少相遇及爾宣風去方差
離別集作別多淮流春婉婉汝海路蹉跎百年集作歲屢分
散欲言復幾何

同前

徐彥伯

香蕙媚紅滋垂條
紫綠絲情人拂瑤袂
共惜此芳時驃

驃已躡躅鳥隼方萎蕤跂予望太守流潤及京師

同前

永日奏文時東風搖蕩夕浩然思樂事那復念一作復贈征
客淮水常流清一作清流楚山雲水白一作雲白勿言行路遠
所貴專城伯

同前

淮源水之清可以濯我一作君纓彼美稱才傑親人佞性
聲歲寒疇曩意春暖一作晚別離情終難疑作歎臨歧遠行

看擁傳榮

同前

桐柏膺新命芝蘭惜舊遊鳴皇夜鶴在遷木早鶯求傳
擁淮源路樽空灞水流落花紛送遠春色別離憂

同前

馬懷素

外牧資賢守斯人奉命

一作帝

俞淮南應建隼渭北軫

疑

分符坐歎煙波隔行嗟物候殊何年昇美謀廻看此城

隅

餞許州宋司馬赴任

李適

昔吾遊箕山竭來涉蘋水復有許由廟迢迢白雲裏聞
君佐繁昌臨風悵懷此儻到平輿泉寄謝干將里

同前

展驥旌時傑談雞美代賢暫留仙掖務追送近郊筵地
慘金商節人康璧假田從來昆友事咸以佩刀傳

同前

國為休徵選輿因仲舉題山川襄野隔朋酒瀟亭睽零

雨征車警秋風別驥嘶離歌一曲罷愁向勿悽悽

同前

馬懷素

頻水開郡邑角宿躔分野非君仲舉材誰是題輿者憫
憫琴上鶴蕭蕭路傍馬嚴程若可留別袂希再把

同前

徐堅

舊許星車轉神京祖帳開斷煙傷別望寒雨送離杯辭
燕依空遠賓鴻入聽哀分襟與秋氣日夕共悲哉

同前

令弟與名兄高才振兩京別序聞鴻鴈離章動鵠鵠遠
朋馳翰墨勝地寫丹青風月相思夜勞望頴川星

同前

潁郡水東流荀陳兄弟遊偏傷茲日遠獨向聚星州河
潤在明德人康非外求當聞力為政遙慰我心愁

宋公宅送竇諫議

宋之間

宋公爰創宅庾氏更誅茅間出入三秀平臨楚四郊漢
臣來絳節荆牧動金鏡樽溢宜城酒笙裁曲沃匏露荷

秋變節風柳夕鳴梢一散陽臺雨方隨越鳥巢

送趙司馬赴蜀州

前人

餞子西南望煙綿劙道微橋寒金鴈竝

集作落

林曙碧雞

飛謙拜輿方遠仙城履會歸定知和氏璧遙掩玉輪輝

送武進鄭明府

前人

絃歌試宰日城闕賞心違北謝蒼龍去南隨黃鸝飛夏
雲海中出吳山江上微毗謠豈云遠從此慶緇衣

送合宮蘇明府

前人

鉉府誕英規公才天下知謂乘羔鴈族繼入鳳凰池赤
縣求人隱青門起路歧翟廻車少別鳬化鳥遙馳神哭
周南境重歌豫北豫集作渭垂賢哉苟奉倩職袞佇來儀

送永昌蕭贊府

前人

柳變曲江頭送君函谷遊弄琴寬別意酌醴醴集作酒醉春
愁戀本亦何極贈言微所求莫令金谷水不入故園流

送李奉

符集作制

前人

行李戀庭闈乘輶振綵衣南登指吳腹北走出秦畿去

國夏雲斷還鄉秋鴈飛旋聞郡計入更有使臣歸

送朔方何侍御

前人

聞道雲中使乘驄往復還河兵守陽月集作日塞虜失陰

山拜職常隨驃銘功不讓班旋聞受降日歌舞入蕭關

送楊六望赴金水

前人

借問梁山道嶺岑幾萬重遙州刀作字一作路絕壁劍為

峰惜別路窮此留歡意不從憂來生白髮時晚愛青松
勿以西南遠夷歌寢盛容台階有高位寧復久臨邛

送杜審言

前人

卧病人事絕

聞絕句詩選作嗟

君萬里行

一作君行萬里程

河橋不相

送江樹遠含情別路追孫楚維舟弔屈平可惜龍泉劍

流落在豐城

餞湖州薛司馬

前人

別駕促嚴程離筵多故情交深季作友義重伯為兄鎮

靜移吳俗風流在漢京會看

一作逢

陳仲舉從此拜公卿

送趙六貞固

前人

目斷南渚雲心醉東郊柳怨別此何時青芳來已久與
君共時物盡此盈樽酒始願今不從春風戀携手

岳州宴別潭州王熊

張說

縉雲連省閣溝水逶迤

集作速

西東然諾心猶在容華歲不

同孤城臨

一作連

楚塞遠樹入秦宮誰念三千里江潭一

老翁

南中送蔣五岑向青州

前人

老親依北海賤子棄南荒有淚皆成血無聲不斷腸此

中逢故友彼地送

一作
逐

還鄉願為江楓

集作
楓

葉隨君度

洛陽

此詩二百八十六卷重出今已削去

幽州別徐

集作
陰

長河行先

前人

惠愛交千里

集作惠好
交情重

辛勤世事多荆南久為別薊北

遠來過寄目雲中鶯留歡酒上歌影移聲復間遲暮兩

如何

送蘇合宮五官賴

前人

都邑群方首商身

集作泉

萬俗訛變風湏愷悌成化佇絃

歌疇昔珪璋友雍容文雅多振纓遊省闔鏘玉宰京河

別曲鸞初下行軒雉尚過百壺非餞意流詠在人和

送趙二尚書彥昭北伐

前人

虜地河冰合邊城備此時兵連紫關路將舉白雲司提

劍榮中賞銜盃

集作珠

感出師日華鮮

集作光

組練風色焰

一作旌旗投筆樽前起橫戈馬上辭梅花吹白

集作別引

楊柳賦歸詩

送王光庭

前人

同居洛陽陌經日懶相求及爾江湖去言別悵悠悠楚雲渺羈翼海月倦行舟愛而不可見徒嗟芳歲流

岳州別姚司馬紹之制許歸侍

前人

和王悲無已長沙宦不成天從扇枕願人遂倚門情方外懷司馬江東憶步兵向君樓泊處空嶺夜猿驚

洛橋北亭餞諸刺史

前人

離亭拂御溝

集作岸

曲舞船樓詔餞朝廷牧符分海縣

憂股肱還入郡父母更臨州

扇逐仁風轉車隨靈

集作霽

雨流恩光水上溢榮色柳間浮預待群芳最三公不遠

求

送崔二長史日知赴潞州

前人

東山憐

集作懷

卧理南省悵悲翁共見前途促何知後會

同莫輕一筵酒

集作筵宴又作壺

明日半成空况爾新離

集作庭

闕思歸迷夢中

送李侍郎廻秀薛長史季昶同賦水字

漢郡接胡廷幽并對峯壘旌旃

集作
旌旗按部曲文武惟卿

士薛公善籌畫李相威邊鄙中冀分兩河長城各萬里

籍馬黃花塞蒐兵白狼水勝敵在安人為君汗青史

此詩卷宋之間送杜審言詩共四韻而洪邁絕句

詩選及別本只收前兩韻書此以示後

欽定四庫全書

集部

文苑英華卷二百
辛至

詳校官太僕寺少卿臣李廷欽

助教臣常循覆勘

總校官進士臣朱鈴

校對官中書臣秦泉

謄錄監生臣閻學注

欽定四庫全書

文苑英華卷二百六十八

宋 李昉等 編

送行三

蘇頌九首

張九齡六首

韋述一首

張諤一首

梁陟一首

張子容二首

孫逖八首

王維十九首

孟浩然十二首

錢湖州陸長史再守汾州

蘇頌

河尹政成基

疑作
基

為汾昔所推不榮三入地還美再臨

時擁傳雲初合聞鶯日正遲道傍多出餞別有吏人思

餞荊州崔司馬

前人

茂祉雕龍昔香名展驥初水連南海漲星拱北辰居稍
發仙人復將題別駕輿明年徵拜入荆玉不藏諸

餞趙尚書攝御史大夫赴朔方軍

前人

勁虜欲南飛

集作窺

揚兵護朔垂趙堯寧易印鄧禹即分

麾野餞

回三傑軍謀用六奇雲邊愁看

出塞日下愴

臨岐拔劍行

人舞揮戈戰馬馳明年麟閣上充國拜

集作集

畫於斯

送吏部李侍郎東歸

得歸字

前人

陌上有光輝披雲向洛畿賞來榮扈從別至惜分飛泉
溜含風急山烟帶日微茂曹今去矣人物喜東歸

送光祿姚卿還都

前人

漢室有英台荀家寵俊才九卿朝已入三子暮同來不
授綸為草還司鼎用梅兩京王者宅駟馬日應回

春晚送瑕邱田少府還任因寄洛中鏡上人

前人

聞道還沂上因聲寄洛賓別時花欲盡歸處酒應春聚
散同行客悲歡屬故人少年歸集作追樂地遙贈一靄巾

錢澤州盧使君赴任

前人

聞道降綸書為邦建綠旗政憑循吏性才以貴卿除詞

賦良無敵聲華藹有餘榮承四嶽後清絕上天初關路

通秦壁城池繞晉墟撰期行子赴分曲

集作典

列侯居別

望喧追餞離言繫慘舒平蕪寒螢

古勇切集作亂思

喬木夜

蟬疎寥泵秋先起推移月向諸舊交何以贈客至待烹

魚

景龍觀送裴士曹

前人

昔日嘗聞公相第

一作主宅

今時變作列仙家池傍坐客穿

叢篠樹下遊人掃落花雲雨長疑向函谷山泉直似到

流沙君還洛邑分明記此處同來閱歲華

餞郢州李使君

前人

楚有章華臺遙雲臺澤復聞擁符傳及是叔

集作辭圖籍

佳政在黎人能聲寄侯伯離懷朔風起試望秋陰積半路
淒已寒羣山靄將夕傷懷心集作聊把袂悵望招集作悵麒麟客

東湖臨泛餞楊

集作王

司馬

張九齡

南土秋雖半東湖草未黃聊乘風日好來泛芰荷香蘭棹無勞速菱歌不厭長忽懷京洛去難與共清光

以下六篇並見集本

送楊府李功曹

前人

平生屬良友結綬望光輝何知人事拙連

集作相

與宦情

非別鳥

集作路

穿林盡征帆際海歸居然已多意況復兩

鄉違

送宛句趙少府子卿

前人

解巾行作吏樽酒謝離居脩竹含清景華池澹碧虛地
將幽興愜情人集作人與舊遊疎林下紛相送多逢長者車

送韋城李

一作蕭

少府

前人

送客南昌尉離亭西候春野花看欲盡林鳥聽猶新別
酒青門路歸軒白馬津相知無遠近萬里尚為隣

通化門外送別

前人

屢別華容改長愁意緒微義將恩私作愛隔情與故人

歸薄宦無時賞勞生有事機離魂今夕夢先繞舊林飛

送別鄉人南還

前人

橘柚南中煖桑榆北地陰何言榮落異因見別離心吾

亦江鄉子思歸夢寐深聞君去水宿結思渺雲林牽綴
從浮事遲迴謝所欽東南行舫遠秋浦念猿吟

廣陵送別宋員外佐越鄭舍人還京

韋述

朱紱臨秦望皇華赴洛橋文章南渡越書奏北歸朝樹
入江雲盡城銜海月遙秋風將客思川上晚蕭蕭

送李著作倅杭州

張諤

輶史空三署題輿蒞一方祖筵開霽景征陌值韶光水

陸風煙隔秦吳道
路長佇聞敷雅政
邦國詠惟康

送孫舍人歸相州

梁陟

俊才傾世重清論
滿朝歸作隼
他年計一作繫為駕此日

飛比肩移一作趨日近抗首出郊畿
為報清漳水分明照

錦衣

送孟八歸襄陽

張子容

附見孟浩然集

東越相逢地西亭送別津
風潮集作清看解纜雲雨見集作作

海去愁人鄉在桃林岸江山
集作連楓樹春長因集作懷故園

意歸與孟家鄰

送蘇倩遊天台

前人

靈異尋滄海笙歌討翠微江

一作水

鷗迎近

一作共

狎雲鶴

待將飛琪樹攀

嘗

仙果瓊樓試羽衣

遙知神女問獨

怪阮郎歸

送越州裴叅軍充使入京

孫逖

日落川徑寒離心苦未安客愁西向盡鄉夢北歸難霜

果林中變秋花水上殘明朝渡江後雲物向

一作為

南看

以下八篇並見集本

送楊法曹按括州

前人

東海天台山南方縉雲驛

一作國

溪澄

集作清

問人隱巖險煩

登陟潭壑隨星使軒車繞春色儻尋琪樹人為報長相憶

送周判官往台州

前人

吾宗長作賦登陸訪天台星使行看入雲仙意轉催飲

冰攀璀璨驅傳歷莓苔日暮東郊別真情去不迴

送魏騎曹充宇文侍御判官分按山南

前人

雲陽南臺路光華驛騎巡勸農開夢土恤隱惠荆人樓
廻吟黃鶴江長望白蘋觀風布明詔更是漢南春

送蘇郎中綰出佐荊州

前人

神仙久畱滯清切佇飛翻忽佐南方牧何時西掖垣高
車自蘭省便道出荊門不見河梁別空銷郢路寬

冬末送魏起居赴京

前人

大名將起魏良使更逢遷驛騎朝丹闕關亭望紫烟西

京春色近東宮物華偏早赴王正月揮毫記首年

送李補闕攝御史充河西節度判官

前人

昔日叨補袞邊地亦埋輪官序慙先達才名畏後人西
戎雖獻款上策耻和親早赴軍戎集作前軍幕長清外域塵

送趙評事攝御史監軍嶺南前人

議獄持邦典臨戎假憲威風從閭闥去雪入洞庭飛篁

竹迎金鼓樓船引繡衣明年降集作拜真月南斗使星歸

送梓州李使君

王維

萬壑樹參天鄉音聽杜鵑山中一半雨樹杪百重

集作山響

泉漢女輸橦布巴人訟芋田文翁翻教授不敢倚先賢

送李太守赴上洛

前人

商山包楚鄧積翠藹沉沉驛路飛泉灑關門落照深野
花開古戍行客響空林板屋春多雨山城晝欲陰丹泉
通虢畧白羽抵荆岑若見西山爽應知黃綺心

送友南歸

前人

萬里春應盡三江鴈欲飛集作亦稀連天漢水廣孤客郢城
歸鄖國稻苗秀楚人菰菜一作葉肥懸知倚門望遙識老

萊衣

送孟六歸襄陽

一作送
孟浩然

前人

杜門不欲集作復出久與世情疎以此為長策勸君歸舊

廬醉歌田舍酒笑讀古人書好是一生事無勞獻子虛

送平澹然判官

前人

不識陽關路新從定遠侯黃雲斷春色畫角起邊愁瀚

海經年到交河出塞流預令外國使知一作只飲月支頭

送孫秀才

前人

帝城春日

集作風

好況復建平家玉枕雙紋簟金盤五色

瓜山中沽魯酒松下飯胡麻莫怨田家苦歸期遠復賒

送丘為往唐州

前人

宛洛有風塵君行多苦辛四愁連漢水百口寄隨人槐
色陰清晝楊花惹暮春朝端肯相送天子繡衣臣

送孫二

前人

郊郭集作外誰將集作相送夫君道術親書生鄒魯客才子

洛陽人祖席依寒草行車薄集作起暮塵山川向集作何寂

寞長望淚霑巾

送邱為落第歸江東

前人

憐君不得意况復柳條春為客黃金盡還家白髮新五

湖三畝地集作宅萬里一行集作歸人知禰不能薦羞看集作作

為獻納臣

送嚴秀才還蜀

前人

寧親真

集為作

令子似舅即賢甥別路經花縣還鄉入錦

城山臨青塞斷江向白雲平獻賦何時至明君憶長卿

送宇文三赴河西充行軍司馬

前人

橫笛

集作吹

雜繁笳邊風卷塞沙還聞田司馬更逐李輕

車蒲類成秦地莎居

集作耶

屬漢家當令犬戎國朝聘學

昆邪

送祕書晁監歸

集作還

日本國

前人

積水不可極安知滄海東九州何處遠萬里若乘空向
國惟看日歸帆但信風鰲身映天黑魚蜃眼射波紅鄉
樹扶桑外主人孤島中別離方異域音信若為通

淇上送趙仙丹

集作送祖濟州

相逢方一笑相送還成泣祖帳已傷離荒城復秋入天
寒遠山淨日暮長河急解纜集作君已遙望望君空集作猶

佇立

送別綦毋潛落第

前人

聖代無隱者英靈盡來歸遂令東山客不得願采薇既

至君門遠孰云吾道非江淮渡寒食京洛

文粹作
作兆縫春衣

置酒臨長道

文粹作
長亭送

同心與我違行當浮桂棹未幾拂

荆扉遠樹帶行客孤城

文粹作
作材

當落暉吾謀適不用勿謂

集作
為知音稀

送綦母潛

前人

端笏明光殿

集作
宮

歷稔朝雲陛詔看延閣書高議平津

邸適意輕微祿遇人

集作
虛

心削煩禮盛得江左風彌工建

安體高張多絕絃截河有清濟嚴冬與羣木伊洛方清
泚渭水冰下流潼關雪中閉集作啟荷蓀幾時還塵纓待

君洗

送綦母校

集作秘

書棄官還江東

前人

明時久不達棄置與君同天命無怨色人生有素風念
君拂衣去四海將安窮秋天萬里靜日暮澄江空清夜
何悠悠扣舷明月中和光魚鳥際澹爾蒹葭叢無庸客

昭世衰鬢白集作日如蓬頑疎暗人事僻陋遠天聰微物
縱可採其誰為至公余亦從此去歸耕為老農

送從叔集作弟蕃遊淮南座上成前人

讀書復騎射帶劔遊淮陰淮陰少年輩千里遠相尋高
義難為隱明時寧陸沉島夷九州外泉館三山深席帆
聊問罪卉服盡成擒歸來見天子拜爵賜黃金忽思鱸
魚鱈復有滄江集作洲心天寒蕉葭渚日落雲夢林江城
下楓葉淮上聞秋砧送歸青門外車馬去駿駿惆悵新

豐樹空餘天際禽

送權三

集作二

前人

高人不可友清論復何深一見如舊識一言知道心明
時當薄宦解薜去中林芳草空隱處白雲餘故岑韓侯
久携手河嶽共幽尋悵別千餘里臨堂鳴素琴

送魏郡李太守赴任

前人

與君伯兄氏集作別又欲與君離君行無幾日當復隔山

波蒼茫秦川盡日落桃林塞獨樹臨關門黃河向天外

前經洛陽陌宛洛故人稀故人盡離別淇上轉驂騋企
予悲送遠惆悵睢陽路古木官渡平秋城鄴都集作宮

想君行縣日其出從如雲遙思魏公子復憶李將軍

峴山亭送朱大集作峴山

送張公非

遊巴東

孟浩然

峴山南郭外送別每登臨沙岸江村近松門山寺深一
言余有贈三峽爾將尋祖席宜城酒征途雲夢林蹉跎
遊子意眷戀故人心去矣勿淹滯巴江集作東猿夜吟

送韓使君除洪州都督

前人

述德撫荆衡分符襲寵榮往來看擁傳前後賴專城勿
剪棠猶在澄波水更清重推江漢理旋改豫章行召父
多遺愛羊公有令名衣冠列祖道耆舊擁前程一作旌峴
首晨風送江陵夜火迎無才慙孺子千里愧同聲

同盧明府餞張郎中除義王府司馬海園作

前人

上國山河裂

集作星
河裂

賢王邸第開故人分職去潘令寵行來

冠蓋趨梁范江湘

集作山

失楚材預愁軒騎動賓客散池臺

送王昌齡之嶺南

前人

洞庭去遠近楓葉早驚秋峴首羊公愛長沙賈誼愁士

風

毛集作無

縞紵鄉味有查頭已抱沉痼疾更貽魑魅憂

數年同筆硯茲夕間衾裯意氣今何在相思望斗牛

送盧少府使入京

前人

楚關望秦國相去千里餘州縣勤王事山河轉使車祖
筵江上列離恨別前書願及芳年賞嬌鶯二月初

送張子容進士赴舉

前人

夕曛山照滅送客出柴門惆悵野中別殷勤醉後言茂
林予偃息喬木爾飛翻無使谷風謗須令友道存

送莫氏外生兼諸昆季從韓司馬入西軍

前人

念汝集作爾習詩禮未嘗違戶局嚴君先早路

集作平生早偏露又

作嚴君偏早世萬里更飄零坐棄三冬業

集作牲養

行觀八陣形飾

裝辭故里謀策赴邊庭壯志吞鴻鵠遙心伴鶴鵠所從

文且

集作與

武無

集作不

戰自應寧

送王七尉松滋

得陽臺雲字

前人

君不見巫山神女作行雲虹蜺

集作霏虹

沓翠曉氣氤嬋娟

遊流

集作入襄

王夢覺後

集作倏忽

還隨零雨分空中曉

飛

集作去

復飛來朝朝暮暮下陽臺

集作去

愁君此處為仙

尉便遂行雲去不迴

洛下送奚三還揚州

前人

水閣無邊際舟行興便

集作共使

風羨君從此去朝夕見鄉

中余亦離家久南歸恨不同音書若有問江上會相逢

送辛大不及

前人

送君不相見日暮獨愁余

楚詞曰眇眇兮愁予余予唐韻並有上聲或改作緒同並

非江上空徘徊天邊迷處所郡邑經楚鄧山河入嵩汝
蒲輪去漸遙石徑徒延佇

送謝錄事之越

前人

清旦江天迥涼風西北吹白雲向吳會征帆亦相隨相
到耶溪日應探禹穴奇仙書儻先一作相示余在此山陲

送杜十四

前人

荆吳相接水連

絕句詩選作為

鄉君去春江

一作江村

正淼茫日暮

征帆泊何處天涯一望斷人腸

金匱要略

卷二百六十八

文苑英華卷二百六十八

欽定四庫全書

文苑英華卷二百六十九 宋 李昉等 編

送行四

杜甫十三首

李白二十一首

劉希夷三首

盧象二首

祖詠一首

綦母潛六首

常建四首

奉送郭中丞兼太僕卿充隴右節度使三十韻

杜甫

詔發山西將秋屯隴右兵淒涼餘部曲蟬赫舊家聲鶻
鷗乘時去驛鷗顧主鳴艱難湏上策容易即前程斜日
當軒蓋高風捲旆旌松悲天水冷沙亂雪山清和虜猶
懷惠防邊詎敢驚古來於異域鎮靜示專征燕薊奔封
豕周秦觸駭鯨中原何慘陸機功臣贊作慘 賚餘孽尚縱橫箭

入昭陽殿笳吟細柳營內人紅袖泣王子白衣行宸極
妖星動園陵殺氣平空餘金盃出無復總帷輕毀廟天

飛雨焚宮火徹明
罘罳朝共落輪桷
夜同傾三月師逾

整羣胡勢

一作充

就烹瘡痍

一作恭

親接戰勇

一作決

餘勇

冠垂

成妙譽期元宰

殊恩且列卿

幾時廻節鉞戮力掃櫬槍

圭竇三千士雲梯七十城

耻非齊說客甘

一作祗

似魯諸

生通籍微班忝周行

獨坐榮隨肩趨漏刻短髮寄簪纓

徑欲依劉表還疑厭禡衡

漸衰那此別忍淚獨含情廢

邑狐狸語空村虎豹爭人頻墜塗炭

公豈忘精誠元帥

調新律前軍壓舊京

安邊仍扈從莫作

一作無

使後功名

送陵州路使君赴任

前人

王室比多難高官皆武臣幽燕通使者岳牧用詞人國
待賢良急君當拔擢新佩刀成氣象行蓋出風塵戰伐
乾坤破瘡痍府庫貧衆寮宜潔白萬役但一作盡平均宵
漢瞻佳士泥塗任此身秋天正搖落迴首大江濱

送梓州李使君赴

集作之

任

前人

藉甚黃丞相能名自賴川近看除刺史還喜得吾賢五
馬何時到雙魚會早傳老思筠竹杖冬要錦衾眠不作

臨岐恨唯聽舉最先火雲揮汗日山驛醒心泉遇害陳
公殞于今蜀道憐君行射洪縣為我一潛然

鄆城西原送李判官兄武判官弟赴成都

前人

憑高送所親久坐惜芳辰遠水非無浪他山自有春野
花隨處發官柳著行新天際傷愁別離筵何太頻

從江送衛十八倉曹還京因寄岑中允參范郎

中季明

前人

遲日深江水輕舟送別筵帝網愁緒外春色淚痕邊見

酒湏一作應

相憶將詩莫浪傳若逢岑與范為報各衰年

泛江送客

前人

二月頻送客東津江欲平烟花山際重舟楫浪前輕淚
逐勸盃落一作士愁連吹笛生離筵不隔日那得易為情

送路六侍御入朝

前人

童稚親情四十年中間消息兩茫然更為後會知何地
忽漫相逢是別筵不分桃花紅勝錦生憎柳絮白於綿

劍南春色還無賴觸忤愁人到酒邊

送李校

集作秘書赴杜相公幕

前人

青簾白舫益州來巫峽秋濤天地迴石出倒聽楓葉下
櫓搖背指菊花開貪趨相府今晨發恐失佳期後命催
南極一星朝北斗五雲多處是三台

送翰林張司馬南海勒碑相國製文

前人

冠冕通南極文章落上台詔從三殿去碑到百蠻開野

館濃花發春帆細雨來不知滄海使

集作上

天遣幾時回

送衛二十四司直充嶺南掌選崔郎中判官兼

寄韋韶州

前人

選曹分五嶺使者厯三湘才美膺推薦君行佐紀綱佳
聲期共遠雅節在週防明白山濤鑒嫌疑陸賈裝故人
海外少春日嶺南長憑報韶州牧新詩作寄將

夏日楊長寧

一作官

宅送崔侍御常正字入京

前人

醉酒揚雄宅升堂子賤琴不堪垂老鬢還對欲分襟天
地西江遠星辰北斗深烏臺俯麟閣長夏白頭吟

送孔巢父遊江東兼呈李白 前人

巢父掉頭不肯住東將入海隨煙霧詩卷長留天地間
釣竿欲拂珊瑚樹深山大澤龍蛇遠春寒野陰風景暮
蓬萊織女回雲車指點虛無引歸路自是君身有仙骨
世人那得知其故惜君只欲苦死留富貴何如草頭露
蔡侯靜者意有餘清夜置酒臨前除罷琴惆悵月照席

幾歲寄我空中書南尋禹穴見李白一作若逢李道甫
白騎鯨魚

問訊今何如

送高司直尋封

一作閩州

前人

丹雀銜書來暮栖何鄉樹驛事天子辛苦在道路司直非冗官荒山甚無趣借問泛舟人胡為入雲霧與子姻姪間既親亦有故萬里長江邊邂逅一相遇長卿消渴再公幹沉綿屢清談慰老夫開卷得佳句時見文章士欣然淡情素伏枕聞別離疇能忍漂寓良會苦短促

溪行水奔注熊羆吃空林遊子慎馳騖西謁巴中侯艱
險如跬步主人不世才先帝常特顧拔為天軍佐崇大
王法度淮海生清風南翁尚思慕公宮造廣廈木石乃
無數初聞伐松柏猶卧天一柱我瘦一作病_{書不成成字}
讀亦誤為我問故人勞心練征戍

送客歸吳

李白

江村秋雨歇酒盡一帆飛路歷波濤去家唯坐卧歸島
花開灼灼汀柳細依依別後無餘事還應掃釣磯

送友生遊峽中

前人

風靜楊柳垂看花又別離
幾年同在此今日各驅馳
峽裏聞猿叫山頭見月時
慙慙一杯酒珍重歲寒姿

送袁明府任長江

前人

別離楊柳青樽酒
表丹誠古道携琴去
深山見峽迎暖風
花繞樹秋雨草沿城
自此長江內無因
夜犬驚

杭州送裴大擇時赴廬州長史

西江天柱遠東越海門深
去割辭親戀行憂報國心好

風吹落日流水引長吟五月披裘者應知不取金

送史司馬崔相公幕

前人

崢嶸丞相府清切鳳凰池美爾瑤臺鶴高棲瓊樹枝歸
飛晴日好吟弄惠風吹正有乘軒樂初當學舞時珍禽
在羅網微命苦猶絲願托周周羽相銜漢水湄

送張舍人之江東

前人

張翰江東去正值秋風時天清一鴈遠海闊孤帆遲白
日行欲暮滄海集作波杳難期吳洲如見月千里幸相思

送紀秀才遊越

前人

海水不滿眼觀濤難稱心即知蓬萊石却是巨鼈簪送爾遊華頂令余發鳥吟僊人居射的道士住山陰禹穴尋溪入雲門隔嶺深綠蘿秋月夜相憶在鳴琴

送趙雲卿

前人

白玉一盃酒綠楊三月時春風餘幾日兩鬢各成絲秉燭唯須飲投竿也未遲如逢渭川獵猶可帝王師

送友人尋越中山水

前人

聞道稽山去偏宜謝客才千巖泉灑落萬壑樹紫廻東
海橫秦望西陵繞越臺湖清雙鏡曉濤白雪山來八月
枚乘筆三吳張翰盃此中多逸興早晚向天台

送侯十一

前人

朱亥已擊晉侯羸尚隱身時無魏公子豈貴抱關人余
亦不火食遊梁同在陳空餘湛盧劔贈爾託交親

送梁四歸陳平

前人

玉壺挈美酒送別強為歡大火南星月長郊北路難殷

王期負鼎汶水豈集作起垂竿莫學東山卧參差老謝安

金陵送張十一再遊東吳 前人

張翰黃花句風流五百年誰人今繼作夫子世稱賢再動遊吳棹還浮入海船春光白門柳霞色赤城天去國難為別思歸各未旋空餘賈生淚相顧共悽然

送楊少府赴選 前人

大國置衡鏡準平天地心羣賢無邪人朗鑒窮清深吾君詠南風袞冕彈鳴琴時泰多美士京國會纓簪山苗

落澗底幽松出高岑夫子有盛才主司得球琳流水非
鄭曲前行一作前後遇知音衣工剪綺繡一悞傷千金何惜

刀尺餘不裁寒女衾我非彈冠者感別但開襟空谷無

白駒賢人豈悲一作獨吟大道安棄物時來或招尋爾見

山吏部當應無陸沉

送程劉二侍御兼獨孤判官赴安西幕府

前人

安西幕府多才雄喧喧唯道三數公繡衣貂裘明積雪

飛書走檄如飄風朝辭明主出紫宮銀鞍送別金城空
天外飛霜下葱海上火旗雲馬生光彩胡塞塵清計日歸
漢家草綠遙相待

送儲邕之武昌

前人

黃鶴西樓月長江萬里情春風三十度空憶武昌城送
爾難為別銜盃惜未傾湖連張樂地山逐泛舟行諾謂
楚人重詩傳謝朓清滄浪吾有曲寄入棹歌聲

金鄉送章八之西京

前人

客自長安來還歸長安去狂風吹我心西挂咸陽樹此情不可道此別何時遇望望不見君連山起煙霧

送裴十八圖南歸嵩山二首 前人

何處可為別長安青綺門胡姬招素手延客醉金樽臨當上馬時我獨與君言風吹芳蘭折日沒鳥雀喧舉手指飛鴻此心集作情難具論同歸無早晚頽水有清源

二

思君頽水綠忽復歸嵩岑歸時莫洗耳為我洗其心洗

心得真情洗耳徒賣

集作買

名謝公終一起相與濟蒼生

送張秀才謁高中丞

并序

前人

余時繫潯陽獄中正讀留侯傳秀才張孟熊蘊滅胡之策將之廣陵謁高中丞余嘉一作希子房之風感激於斯人因作是詩以送之

秦帝淪玉鏡留侯降氣氤感激黃石老經過滄海君壯士揮金槌報讐六合聞智勇冠終古蕭陳難與群兩龍爭鬪時天地動風雲酒酣舞長劍倉卒解漢紛宇宙初

倒懸洪溝勢將分英謀信奇絕夫子揚清芬胡月入紫
微三光亂天文高公鎮淮海談笑廓妖氛採爾幕中畫
集作所振
雄畧期 戲難光殊勲我無燕霜感玉石俱燒焚但洒
一行淚臨岐竟何云

同王昌齡送族弟襄歸桂陽 前人

秦地見碧草楚謠對清樽把酒爾何思鷓鴣啼南園予
欲一作亦 羅浮隱猶懷明主恩躊躇紫宮戀孤一作辜 負滄
洲言終然無心雲海上同飛翹相期乃不淺幽桂有芳

根芬一作雜
荪

送賀賓客歸越

前人

鏡湖流水漾清一作春始波征客歸舟逸興多山陰道士如

相見應寫黃庭換一作取白鵝

送友人之新豐

劉希夷

日暮秋風起關山斷別情淚隨黃葉下愁向綠樽生野路歸驛轉河洲宿鳥驚賓遊寬旅宴王事促嚴程

餓李秀才赴舉

前人

鴻鵠振羽翩翻飛入帝鄉朝鳴集銀樹暝宿下金塘日
月天門近風煙夜路長自憐窮浦鴈歲歲不隨陽

洛中晴月別殷四入關 前人

清洛浮橋南渡頭天明

集作晶

萬里林葉秋

集作洲散

晴看

石瀨尤無數曉入圓潭浸漫

集作漫

不流微雲一點曙煙起

南陌憧憧遍行子欲將此意與君論復道秦關向千里

送綦母潛

盧象

夫君不得意本自滄海

集作江

來高足未云騁虛舟復空

廻淮海楓葉落瀾岸桃花開去家斂為閑

一作出巡
暫為問

沉安繫哉如何天覆物還遣世遺才欲隱秦將漢當關
王與裴離筵對寒食別雨乘春雷會有徵書到荷衣且

慢裁

送祖詠

前人

田家宜伏臘歲晏子言歸石路雪初下荒村

一作山鷄共

飛東原多一作煙火北澗隱寒輝滿酌野人酒倦聞隣

女機胡為因樵採幾日被

集作解

朝衣

送劉高郵稅使入都

祖詠

常聞積歸思

昨日復一作又

兼秋鄉路京華遠

王程江水

流吳歌喧兩岸楚客醉孤舟漸覺潮初上悽然多暮愁

送崔員外黔中監選

綦毋潛

持衡出帝畿星指夜郎飛神女雲迎馬荊門雨濕衣聽猿收淚罷繫鴈待書稀蠻貊雖殊俗知君肝膽微

送章彞下第

前人

長安渭

集作瀦

橋路行客別時心獻賦溫泉畢無媒衛闕

深黃鶯啼就馬白日暗歸林三十名未立君還惜寸陰

送賈恒明州兼寄溫張二司戶

前人

越客新安別秦人舊國情舟乘晚風便月帶上潮平花露西施石雲峯勾踐城明州報兩掾相憶二毛生

送宋秀才

前人

冠古稱榮盛當時數戟門舊交丞相子繼世五侯孫長劍倚天外短書盈萬言秋風一送別江上黯銷魂

送平判官入秦

前人

謫遠自安命三年已忘歸同心願執手驛騎到門扉云
是帝鄉去軍書謁紫微曾為金馬客向日淚霑衣

送儲十二還莊城

前人

西坂河繚繞青林問子家天寒噪野雀日晚度城鴉寂
歷道傍樹瞳曨原上霞茲情不可說長恨隱淪賒

送樊十少府

常建

微風吹霜氣寒影流前除落日未能別蕭蕭林下虛愁

煙閉千里仙尉其何如因送別鶴操贈之雙鯉魚鯉魚
在金盤別鶴哀有餘心事則如此請君開素書

送陸懽

前人

聖代甘疑秀才陸生何考槃南山高松樹不合空摧殘
九月湖上別北風秋雨寒慙慙嘆孤鳳早食金琅玕

送李十一尉臨溪

前人

泠泠花下琴君唱渡江一作頭吟天際一帆影預懸離別
心以言神仙尉因致瑤華音迴軾撫商調越溪澄碧林

送宇文六

前人

花映隋楊水徹

一作漢水

清曉微

一作微

風林裏一花輕即今江

北還如此愁殺江南離別情

文苑英華卷二百六十九